

# Respectar la voluntad dal pievel

CUN STEFAN ENGLER HA DISCURRI  
LUCAS DEPLAZES / ANR

pia las regiuns ch'èn pertutgadas il pli ferm.

**Ha la delegaziun era prendi si contact cun la confederaziun?**

Nus avain fatg nossa lavur senza contactar la confederaziun. Lezza è vidlonder d'elavurar in agen sboz. Nus vesain nossa proposta sco project da referenza ch'ins po far cumparegliaziuns cun la vista da la confederaziun.

**Ina dumonda centrala è la definiziun da las abitaziuns secundaras. Tge abitaziuns vegnan consideradas sco secundaras?**

Jau vules precisar. Nus n'avain betg l'incumbensa da neutralisar u d'impedir la voluntad dal pievel. Quella è da respectar. Mo l'applicaziun da l'iniziativa, quai vul dir la concretisaziun da l'iniziativa in la lescha, dat la pussaivladad da nizzegiar il spazi d'agir e da procurar vinavant per in svilup persistent en las regiuns da muntogna. Quest spazi vulain nus nizzegiar. L'interpretaziun dal pled «abitaziuns secundaras» n'è betg simpla. Tenor nossa proposta èn abitaziuns secundaras residenzas che na vegnan betg nizzegiadas da personas che vivan permanentamain en il vitg, mabain abiteschan ordlunder e pasentan tscherts temps en lur alloschis, che quai saja vacanzas u la fin da l'emna.

**N'avais vus betg vuli fixar in tschert temp da dimora en las abitaziuns secundaras, sco per exempel residenza durant almain 100 dis?**

Na, ina tala pretensiun – cumbinada cun gronda lavur administrativa – na fissa betg praticabla.

**Han ins betg mess sez crappa en via cun s'orientar simplamain tenor la definiziun da planisaziun e quintar las tegias da mises e la tegias da las alps sco abitaziuns secundaras?**

Quai è in criteri per la statistica che è oz fitg dispitaivel. Tenor nossa definiziun èn abitaziuns secundaras residenzas per personas che na abiteschan betg permanentamein en il vitg. En quest senn èn prendids or aclas e mises.

**Tenor voss sboz quintan mo abitaziuns en la zona da bajegiar sco secundaras. Chasas ordaifer la zona da bajegiar na vegnan pia betg prendidas en consideraziun?**

Tenor noss parairi ha l'iniziativa prendi en mira il spazi d'abitar. Nus essan persvas ch'ins astga far quell'interpretaziun.

**Tge schabegia cun las chasas veglias**

**vidas, artadas dals geniturs. Chasas ch'ins na po betg vender?**

En l'artitgel 7 da noss sboz avain nus tractà questa dumonda sut il titel «svilupps nun giavischads».

**N'han ins betg sfurzà la construcziun da chasas en tscherts lieus, simplamain per procurar per lavur al sector da construcziun, senza pensar a la persistenza dal svilup?**

Quai è en mintga cas capità en divers lieus. Ins po constatar che diversas vischnancas han gi in svilup excess che ha purtà gudogn a privats ed er a las vischnancas. Ussa stuain nus chattar ina via ad in svilup persistent.

**Co vulais vus perseguitar vinavant il proceder per arrivar a vossa finamira?**

Nus spetgain uss il sboz da l'administraziun che vegn mess en consultaziun questa stad. Per nossa delegaziun èsi impurtant da far tempo. En questa situaziun na savain nus betg restar senza lescha. Nossa finamira è che l'emprima chombra possa tractar la lescha il december proxim. Nus vegnin a far ina intervenziun en il parlament en quest senn. Mes giavisch è che la nova lescha possa entrar en vigur la stad 2014.

**■ Ils 22 da matg 2013 ha il tribunal federal confermà l'opiniun da cussegliera federala Doris Leuthard che ha declerà la saira da la votaziun che l'iniziativa saja applicabla immediat.**

En sias consideraziuns davart l'applicaziun da l'iniziativa ha il tribunal federal appellà repetidamain al parlament da relaschar senza retard la lescha davart las abitaziuns secundaras e dismetter la gronda malsegirtad che ha provocà l'iniziativa. Per accelerar il proceder ha ina delegaziun parlamentara grischuna cun Stefan Engler, Heinz Brand e Martin Schmid elavurà ina proposta per la nova lescha. L'Agentura da novitads rumantscha ha vuli conuscher da cusseglier dals chantuns, Stefan Engler, or da tge motivs ch'ins haja tschernì questa via nun usitada?

**Co èsi stà pussaivel da formular ina nova lescha per abitaziuns secundaras en uschè curt temp?**

Stefan Engler: Nus essen gia dapi trais mais vidlonder da formular il sboz da la lescha. Ins sto vesair che tuts trais commembers da la delegaziun han lunga experientscha en l'executiva chantunala, Martin Schmid ed jau en il cussegl guvernativ e Heinz Brand en l'administraziun chantunala. Sco politichers avain nus er constatà la gronda malsegirtad en la populaziun da noss chantun ed ils basegns urgents d'agir.

**Co vesa voss urari or? Cura duai la nova lescha entrar en vigur?**

Sco quai ch'il tribunal federal ha constatà èsi urgent che la lescha davart l'applicaziun da l'iniziativa vegnia messa en vigur uschè spert sco mo pussaivel. Nus pretendain che la nova lescha vegnia tractada en la sessiun da december 2013 da l'emprima chombra dal parlament.

**Ha la delegaziun grischuna che preschenta ussa quest sboz gi contact cun auters chantuns, per exempel cun il Vallais?**

Na, quai n'avain nus betg fatg. Nus avain considerà e resguardà prima vista la situaziun en noss chantun e cun quai er quella en ils chantuns da muntogna,



Il cusseglier dals chantuns Stefan Engler. FOTO O. ITEM